

Alen Tahmišćija uhapšen ispred zgrade
Predsjedništva BiH u Sarajevu

Vehabija provocirao crnom zastavom

U to vrijeme u zgradi Predsjedništva BiH u toku bio sastanak predsjedavajućeg Covića s njemačkim ambasadorom te sastanak Izetbegović - Radončić

Ispred svečanog ulaza u zgradu Predsjedništva BiH u Sarajevu jučer u 13.40 sati uhapšen je Alen Tahmišćija (29), jer je iz automobila mahao crnom zastavom ispisanom arapskim slovima, koja asocira na zastavu koju koriste pripadnici terorističke organizacije ISIL. Tahmišćija je, vozeći se automobilom marke Golf 2, mahao spornom zastavom te se pokušao i parkirati ispred svečanog ulaza u Predsjedništvo BiH.

Predat SIPA-i

U tome su ga spriječili pripadnici Direkcije za koordinaciju policijskih tijela BiH, koji su ga zadržali do dolaska pripadnika MUP-a KS.

Do dolaska policijskih službenika Kantonalnog MUP-a službenici Direkcije su zadržali Tahmišćiju. Po nalogu Tužilaštva BiH, on je ubrzo predat u nadležnost

Državne agencije za istrage i zaštitu (SIPA). U međuvremenu, policijskim pregledom, u automobilu koji je vozio Tahmišćija, kako saznajemo, nije pronađeno oružje.

Ovaj incident dobio je dodatno na težini zbog činjenice da je jučer u to vrijeme u zgradi Predsjedništva BiH u toku bio sastanak Bakira Izetbegovića, bošnjačkog člana Predsjedništva BiH i predsjednika SDA, s Fahrudinom Radončićem, liderom Saveza za bolju budućnost (SBB). Istovremeno, u zgradi Predsjedništva BiH održavan je i sastanak Dragana Covića, predsjedavajućeg Predsjedništva BiH, s ambasadorom Njemačke u BiH Kristijanom Hellbahom (Christian Hellbach).

Obaviješten tužilac

Za sada nema informa-

cija je li Tahmišćijin potez u vezi s nekim od dva navedena događaja. Boris Grubešić, portparol Tužilaštva BiH, kazao je sinoć za „Dnevni avaz“ da će više informacija o ovom događaju biti danas.

- O svemu je obaviješten dežurni tužilac Tužilaštva BiH. U proceduri je njegovo ispitivanje. Sutra (danas, op. a.) ćemo dati više informacija - kazao je Grubešić.

**S. DEGIRMENDŽIĆ -
A. NUHANOVIĆ**



Tahmišćija predat SIPA-i: Došao Golfom u kojem nije nađeno

Ahić: Direktna provokacija

Jasmin Ahić, stručnjak za terorizam s Fakulteta za kriminalistiku u Sarajevu, u izjavi za „Avaz“ Tahmišćijin čin okarakterizirao je kao provokaciju.

- Sam akt dolaska pred

zgradu Predsjedništva BiH unutar javnog prostora, direktna je provokacije bez obzira na to šta se nalazi na zastavi. Ovakve osobe se moraju pratiti i držati pod kontrolom - smatra Ahić.

Blizak vehabijskom pokretu

Alen Tahmišćija rođen je 1986. godine u Zenici. Kako nezvanično saznajemo, Tahmišćija je blizak udruženju iz Vogošće koje se bavi humanitarnim radom i navodno okuplja osobe bliske vehabijskom pokretu. Studirao je na

Građevinskom fakultetu u Sarajevu. Emir Sulejmani, potpredsjednik Udruženja „Tempo“ iz Vogošće, kazao je da Tahmišćiju poznaje dugo, ali da nije član ovog udruženja za koje ga pojedini vezuju.